

GLOSSARIEDDU INFORMÀTICU

@ [at]

Sitzigorry: sîmbulu impreau me in is indiritzus de posta eletrònica e serbit a seberai su nòmîni/nomîngiu de s'impitadori de su domîniu innui est registrau s'indiritzu.

ACCOUNT

Totu is funtzionis, ainas e argumentus chi pertocant a su nòmîni de un'impitadori.

Est su perfilu personali de un'impitadori a intru de unu sistema digitali chi ddi serbit a intrai a is servìtzius.

Est sa registratzioni de un'impitadori a unu “provider” po podi intrai a unu servìtziau.

AVATAR

Imàgini (fumetu, potografia, stema o àteru) chi rapresentat a s'impitadori. S'impreat impari a su nòmîni de s'impitadori in unu “social network”.

BLOG

Est unu logu virtuali innui s'impitadori pùblicat a manera fitiana artìculus, vîdeus e sighendi, in òrdini de tempus. Su fueddu nascit ponendi apari is fueddus “web” e “log”.

BROWSER

Programma (po nai *Internet Explorer*, *Mozilla Firefox* e sighendi) chi permitit de intrai a “internet”.

CHAT

Est su servìtziau chi permitit de comunicai assora cun una o prus personis, siat a manera scritta siat a manera àudiu e vîdeu.

CLOUD

Teconològia chi permitit de archiviai, memorizai, traballai datus impreendi resursas “hardware” e “software” in arretza.

DOMÌNIU

Totu is resursas, servìtzius, informus, règulas e modus beni assentaus. Po sa *Microsoft* funt unus cantu compùterus chi cumpartzint una banca-datus de resursas de arretza chi funt amministraus comenti a un'unidadi cun règulas e modus comunus.

FLICKR

Est unu “social network” chi permitit a is impitadoris de sarvai potografias suas in lìnia e a ddas cumpartziri cun àterus.

FORUM

Boddeu de impitadoris chi arraxonant in arretza po chistionai de argumentus apostas.

HASHTAG

Su fueddu nascit ponendi apari “hash” chi bolit nai su simbulu cancelletu (#) e “tag” chi bolit nai “fueddu crai”. Duncas est un'aceddadori temàticu chi si impreat po scerai un'argumentu apostas. Si impreat po allebiai sa circa.

HARDWARE

A sa litera bolit nai “parti grai o tostada”, duncas est sa parti fisica de su compùteru, est a nai totu is partis chi si podint tocai a manu, comenti a su processori, discu, memòria RAM e perifèricas.

INTERNET

Est unu sistema mondiali de arretzas acapiadas apari chi nascint de tecnològias comunas, connotu finas comenti a “arretza” o “arretza globali” de compùterus.

LOG

Est sa registratzioni fata a filera in òrdini de tempus, de totu is operatzionis chi fait unu sistema informàticu.

POST

Publicatzioni o artìculu, est a nai unu messàgiu scrittu publicau in su perfilu in unu “social network”.

PROVIDER

Sinuncas connotu comenti a “Internet service provider” est unu frunidori de servìtzius “internet” chi cun istipula de cuntratu de frunidura donat a privaus e a siendas servìtzius in arretza comenti po nai posta eletrònica, registratzioni de unu nòmini de domìniu e sighendi.

SOCIAL NETWORK

Arretzas sotzialis. Giassus in s'arretza o tecnologias chi permitint a is impitadoris de ndi pesai arretzas sotzialis virtualis, cumpartziri scritus, imàginis, vèdeus e àudius e de si carculai apari cun àterus impitadoris. Una borta registrau, s'impitadori ndi podit pesai unu perfilu personali protègiu a crai e circai in s'arretza àterus impitadoris cuncordendi-ddus a grupu o a lista. Is arretzas sotzialis prus connotas funt *Facebook*, *MySpace*, *Twitter* e sighendi.

SOFTWARE

A sa lìtera bolit nai “parti moddi”, duncas est sa parti lògica de su compùteru (ma finas de su telèfonu o de calisiat dispositivu tecnològicu), est a nai totu is programmas e sistemas operativus chi serbint a fai funtzionai su compùteru.

TAG

Eticheta. Est su fueddu-crai o eticheta chi si impreat me in is motoris de circa, me in is arretzas sotzialis e in àteru àmbitu digitali po cuncordai e poni a categoria ogetus, documentus o àteru.

WEB (Word Wide Web)

A sa lìtera bolit nai “napa, tela de muru”, est difatis un'arretza chi acapiat apari puntus atesu in su mundu comenti a una napa. Est sa forma a curtzu de “world wide web” (arretza globali), est po custu chi is indiritzus de is giassus chi si podint aberri inghitzant totus cun www.. Su “web” est su sistema de archiviatzioni e intrada a is informus chi impreat “Internet” (s'arretza globali de is compùterus).

